

# 论学读书笔记

何益汗

September 10, 2023



# Contents

1	学而第一	5
2	为政第二	7
3	附录	9
3.1	人物 . . . . .	9



# Chapter 1

## 学而第一

1.1 子曰：“学而时习之，不亦说乎？有朋自远方来，不亦乐乎？人不知而不愠，不亦君子乎？”

1.2 有子曰：“其为人也孝弟，而好犯上者，鲜矣。不好犯上，而好作乱者，未之有也。君子务本，本立而道生。孝弟也者，其为仁之本与？”

1.3 子曰：“巧言令色，鲜矣仁。”

1.4 曾子曰：“吾日三省吾身。为人谋，而不忠乎？与朋友交，而不信乎？传，不习乎？”

1.5 子曰：“道千乘之国，敬事而信，节用而爱人，使民以时。”

1.6 子曰：“弟子入则孝，出则弟，谨而信，泛爱众，而亲仁。行有余力，则以学文。”

1.7 子夏曰：“贤贤易色，事父母能竭其力，事君能致其身，与朋友交，言而有信，虽曰未学，吾必谓之学矣。”

1.8 子曰：“君子不重则不威。学则不固。主忠信。无友不如己者。过则勿惮改。”

1.9 曾子曰：“慎终追远，民德归厚矣。”

1.10 子禽问于子贡曰：“夫子至于是邦也，必闻其政。求之与？抑与之与？”子贡曰：“夫子温、良、恭、俭、让以得之。夫子之求之也，其诸异乎人之求之与！”

1.11 子曰：“父在观其志，父没观其行。三年无改于父之道，可谓孝矣。”

**1.12** 有子曰：“礼之用，和为贵。先王之道，斯为美。小大由之。有所不行。和而和，不以礼节之，亦不可行也。”

**1.13** 有子曰：“信近于义，言可复也。恭近于礼，远耻辱也。因不失其亲，亦可宗也。”

**1.14** 子曰：“君子食无求饱，居无求安，敏于事而慎于言，就有道而正焉，可谓好学也已。”

**1.15** 子贡曰：“贫而无谄，富而无骄，何如？”子曰：“可也。未若贫而乐，富而好礼者也。”子贡曰：“《诗》云：‘如切如磋，如琢如磨。’其斯之谓与？”子曰：“赐也！始可与言诗已矣。告诸往而知来者。”

**1.16** 子曰：“不患人之不己知，患不知人也。”

## Chapter 2

# 为政第二

2.1 子曰：“为政以德，譬如北辰，居其所而众星共之。”

2.2 子曰：“《诗》三百，一言以蔽之，曰：‘思无邪’。”

2.3 子曰：“道之以政，齐之以刑，民免而无耻。道之以德，齐之以礼，有耻且格。”

2.4 子曰：“吾十有五而志于学，三十而立，四十而不惑，五十而知天命，六十而耳顺，七十而从心所欲不逾矩。”

2.5 孟懿子问孝，子曰：“无违。”樊迟御，子告之曰：“孟孙问孝于我，我对曰：‘无违。’”樊迟曰：“何谓也？”子曰：“生，事之以礼。死，葬之以礼，祭之以礼。”

2.6 孟武伯问孝，子曰：“父母唯其疾之忧。”

2.7 子游问孝，子曰：“今之孝者，是谓能养。至于犬马，既有养。不敬，何以别乎？”

2.8 子夏问孝，子曰：“色难。有事，弟子服其劳。有酒食，先生馔。曾是以为孝乎？”

2.9 子曰：“吾与回言，终日不违，如愚。退而省其私，亦足以发。回也不愚。”

2.10 子曰：“视其所以，观其所由，察其所安，人焉廋哉？人焉廋哉？”

2.11 子曰：“温故而知新，可以为师矣。”

2.12 子曰：“君子不器。”

**2.13** 子贡问君子，子曰：“先行其言而后从之。”

**2.14** 子曰：“君子周而不比，小人比而不周。”

**2.15** 子曰：“学而不思，则罔。思而不学，则殆。”

**2.16** 子曰：“攻乎异端，斯害也已。”

**2.17** 子曰：“由，诲女知之乎！知之为知之，不知为不知，是知也。”

**2.18** 子张学干禄。子曰：“多闻阙疑，慎言其余，则寡尤。多见阙殆，慎行其余，则寡悔。言寡尤，行寡悔，禄在其中矣。”

**2.19** 哀公问曰：“何为则民服？”孔子对曰：“举直错诸枉，则民服。举枉错诸直，则民不服。”

**2.20** 季康子问：“市民敬忠以劝，如之何？”子曰：“临之以庄，则敬。孝慈，则忠。举善而教不能，则劝。”

**2.21** 或谓孔子曰：“子奚不为政？”子曰：“《书》云：‘孝乎惟孝，友于兄弟。’施于有政，是亦为政，奚其为为政？”

**2.22** 子曰：“人而无信，不知其可也。大车无輶，小车无 (车兀)，其何以行之哉？”

**2.23** 子张问：“十世可知也？”子曰：“殷因于夏礼，所损益可知也。周因于殷礼，所损益可知也。其或继周者，虽百世可知也。”

**2.24** 子曰：“非其鬼而祭之，谄也。见义不为，无勇也。”



## Chapter 3

# 附录

### 3.1 人物

孔子弟子有多少，著名的弟子有哪些，传承如何？

**颜回** 字渊，孔子早年学生，最为孔子所深爱

**有子** 名若，孔子晚年学生，孔门弟子学问最高的几个人

**曾子** 名参，孔子晚年学生，孔门弟子学问最高的几个人，孟子称曾子“守约”

**子路** 仲由，字子路，孔子早年学生

**子夏** 卜商，字子夏，孔子晚年学生

**子游** 言偃，字子游，孔子晚年学生

**子张** 瑞孙师，字子张，孔子晚年学生

**子禽** 陈亢即原亢，字子禽

**子贡** 端木赐，字子贡

**樊迟** 名须

**孟懿子** 氏仲孙，名何忌，鲁国大夫，三家之一。孔子早期学生，但因孔子主堕三家之都，而何忌首抗命，后人不列为孔门弟子